

Faamaumauga a le Kabeneta

Faasalalauga auiliili

| | |
|-----------------------------|---|
| Minisita & tofi faaminisita | Afioga Jan Tinetti, Associate Education (School Operations) |
| Faamaumauga tusia | Iloiloga o Manaoga Pito Maualuga: Lipoti tuuina atu i le Kabeneta |
| Iloiloina i le aso | 7 Novema 2022 |
| Faasalalauna i le aso | 17 Novema 2022 |

Faasalalauna o faamatalaga auiliili o le faamaumauga lenei:

Pepa a le Kabeneta: Iloiloga o Manaoga Pito Maualuga: Lipoti tuuina atu i le Kabeneta
Iloiloina i le aso: 7 Novema 2021
Tusitala: Minisita Lagolago Matagaluega o Aoga

Minute a le Kabeneta: CAB-22-MIN-0490
Iloiloina i le aso: 7 Novema 2022
Tusitala: Ofisa a le Kabeneta

Minute a le Kabeneta: SWC-22-MIN-0188
Iloiloina i le aso: 26 Oketopa 2022
Tusitala: Ofisa a le Kabeneta

Iloiloga o Manaoga Pito Maualuga: What matters to stakeholders
Iloiloina i le aso: 11 Aokuso 2022
Tusitala: New Zealand Council for Educational Research

Faamaumauga ua taofia

E iai faamatalaga ua tapē ese mai faamaumauga talu ai e le o ni faamatalaga e fitoitonu i tiute faaminisita a le Minisita, ma e le talafeagai i le faasalalauga auiliili o le faamaumauga lenei.

O vaega nei o le Tulafono ua talafeagai ai le taofia o faamatalaga:

Fuaiupu 9(2)(f)(iv) e puipua tulaga e le faalauaiteleina o fautuaga ua faia e Minisita o le Crown ma tofi faamauina

E mafai na e faitau i le Official Information Act 1982 i le itulau lenei:
<http://legislation.govt.nz/act/public/1982/0156/latest/DLM64785.html>

E Iē Faalauaiteleina

Ofisa o le Minisita Lagolago Matagaluega o Aoga Komiti Soifua Manuia

Iloiloga o Manaoga Pito Maualuga: Lipoti tuuina atu i le Kapaneta

Lafo faatū

- 1 I le mae'a ai o le iloiloina o lagolagosua mo tamaiti aoga e pito maualuga manaoga mo taumafaiga i aoga, e iai le faamoemoe o le a maua se maliega a le Kapaneta i le atiina ae o se faiga faavae fou e lagolagoina taumafaiga o tamaiti aoga o moomia le lagolagosua. E fia maua se faamaoniga e mafai ai na atiae se taatiaga auiliili o le atinae o fia faafaigaluegaina e mafai ai na faataunuu suiga o le faiga faavae.

Fesootaiga i faiga o faamuamua e le malo

- 2 E fesootai le Iloiloga o Manaoga Pito Maualuga (le Iloiloga) i folafolaga a o lei faia le palota tele na faaalia e le Vaega Faaupufai a le Labour Party's Education Policy i le palota tele 2020. E iai foi le faamoemoe o le avanoa lenei e faateleina ai tulaga ua ausia o sini autu a le Malo mo aoaoga. E lagolagoina foi le ausia o le Government Child and Youth Wellbeing Strategy, ma tulaga na folafola e faataunuu ai suiga tetele mo tagata e iai manaoga faapitoa ma le avea o Niu Sila ma atunu sili i le ola tuputupu a'e o se tamaiiiti.

Aotelega Faapitoa

- 3 Na talia e le Kapaneta ia 1 Setema 2021 se taatiaga lautele ma tuutuuga o le Iloiloga, o le a lipotia atu i le Kapaneta ia Oketopa 2022 [CBC-21-Min-0082 refers].
- 4 Ua loa tausaga o faatalitali le faia o se Iloiloga e le matātā tau aoaoga ma tomai faapitoa, tagata e iai manaoga faapitoa ma mātua, ma ua faamaonia mai e le Iloiloga tulaga le tutusa i totonu o le faiga faavae. E ui i le tele o le fesoasoani na faafaigaluega e le Malo i taumafaiga e lagolagoina taumafaiga i aoaoga i le lima tausaga ua mavae atu, o lo o iai pea tamaiti aoga e le o maua le lagolagosua o latou moomia, ma le tau faatutusa o le faasoasoa o auaunaga o moomia.
- 5 Na faavae auiliiliga autu mai le Iloiloga i luga o fautuaga a le Matagaluega o Aoga (le Matagaluega) na maua mai i le faatalanoaga lautele o le Iloiloga, o le auiliiliga na faia e le Social Wellbeing Agency (SWA) na faaaoga ai le Integrated Data Infrastructure, ma auiliiliga na faia e le Education Review Office (ERO) e tusa ma le toe suesueina o lagolagosua o lo o faia mo tamaiti aoga e iai manaoga faapitoa i Aoga Amata ma Aoga.
- 6 Ua faaalia mai foi i le Iloiloga le itiiti o le lagolagosua mai le faiga faavae ma le toatele naua o tamaiti aoga e le o maua le lagolagosua faaopoopo o moomia. Ua faaalia mai auiliiliga a le SWA mai le toafitu o tamaiti aoga o maua le lagolagosua, pe a ma le toatolu e lei maua tulaga o moomia i le vaitaimi o le olaga aoga. O se tulaga e umi na afaina ai le itu tau agafesootai, faalogona ma aoaoga o tamaiti aoga nei.
- 7 Ua faaalia e tamaiti aoga ma o latou aiga, e aofia i faaletonu autu lagona lē talisapaia po o se manatu faapea e sili ai na aooga i aoga i totonu o le lotoifale o nonofo ai po o aoga o mananao ai, ma e faigata na fetuutuunai lagolagosua ma e faigata foi na maua, faatasi ma le nenefu o faagasologa o faia ai talosaga ma le leai o se mafuaaga tatau o le faatapulaaina o mea.

- 8 Ua faaalia e aoga amata ma aoga, e aofia i faaletonu autu tulaga o le lē gafatia po o le lē tutusa o avanoa e maua ai fesoasoani tupe ma lagolagosua, ma e lē o maua le lagolagosua i le taimi o moomia ai po o le eseese o taimi o maua ai. E itiiti lava taitai ma le aufaigaluega i totonu o aoga o lagona le talitonuga mautinoa auā le lagolagoina o tamaiti aoga e pito maualuga manaoga i totonu o aoga amata po o potuaoga.
- 9 Ua folafola e le Malo le ausia o se faiga faavae o aoga a le malo e atoatoa na talia ai o soo se tamaitiiti i Niu Sila, ma e le faalagolago i o latou tupuaga po o luitau tau aoaoga, ma e gafatia na ausia le maualuga e oo i ai a latou taumafaiga ma le manuia o le gasologa o taumafaiga i le olaga aoaoina.
- 10 O lo o iai galuega faatino a le Matagaluega e laasia ai le ausia o se faiga faavae a le malo e atoatoa na talia ai o tamaiti aoga uma. E aofia ai le faatinoga o le auivi fou Te Tūāpapa o He Pikorua (Te Tūāpapa – tagai i le Ata 1). E sailia e le Te Tūāpapa le taulai o taupulega i le tamaitiiti aoga ma lona aiga.
- 11 E lagolagoina e le Te Tūāpapa suiga o moomia i amioga faaalia ma manatu e fesootai i faiga e tau aofia uma ai. O le tau faia o suiga i manatu ma amioga faaalia ua loa ona tausisi i ai e tusa ma lagolagosua o moomia e tatau ai lava ona matou sailia se auala e foia ai faaletonu faifai pea i le faiga faavae. O le a fesoasoani Learning Support Coordinators e lagolago le faia o suiga ma o se vaega lea o le nofoaga faalotoifale tau aoaoga.
- 12 Peitai, e moomia suiga tetele e siitia ai mai se faiga faavae ua mauaa, o le pumoomoo o mea o taulai i ai ma le ta'i tasi na faafoe o auaunaga. O le lē faia o se faiga faavae talafeagai, o le a faapena na faaauau pea o le lē atoatoa o lagolagosua ma faiga lē tutusa i le faiga faavae ma faateteleina le afaina ai o tamaiti aoga e pito maualuga manaoga.
- 13 Ua ou fautuaina le folasia i luma o le Kapaneta o se faiga faavae fou e lagolagoina tamaiti aoga e pito maualuga manaoga, o se auala e tali atu ai i faaletonu ua ta'ua. E manino lava i le lloilogi le moomia o suiga tetele mo se vaitaimi umi auā le ausia o se tulaga o faamoemoe i ai mo le faataunuuiua o lagolagosua mo taumafaiga tau aoaoga.
- 14 Ou te fia faia foi se lafo faatū o se faiga faavae e faafefiloai faiga ma e faamoemoe e atiae se faiga faapaaga i le va o tamaiti aoga, o latou aiga ma le aoga amata po o le aoga. E avea le faiga faapaaga ma auala e faaauupegaina ai tamaiti aoga ma o latou aiga ia tele avanoa e faia i ai filifiliga ma le faitalia e taupule ai tulaga tonu o lagolagosua mo i latou. O le a maua ai le tele o alafua ma avanoa eseese auā le fia maua o lagolagosua eseese ma e faalagolago i tulaga e sili na lelei ma aogā mo tamaiti/tupulaga laiti ma o latou aiga.
- 15 Ua saunia le faiga faavae fou i luga o aga taualoa o le Enabling Good Lives (EGL)¹ ma le taunuuga o le Ka Hikitia – Ka Hāpaitia (Ka Hikitia).² E faapitoa lava i tulaga nei:
 - 15.1 E moomia le faia o avanoa e faatuputeleina ai filifiliga fai ma le pule mo tamaiti aoga ma o latou aiga e taupule ai ituaiga lagolagosua mo i latou;

¹ Aga taualoa o le Enabling Good Lives: Faaleleia le mamalu faaletagata, vave na amata, e taulai i le tagata, faigofie na faaaoga, o taunuuga e masani ai le olaga, e faamausalina ai le saolotoga e pulea ai le tagata lava ia, ma le atiae o sootaga.

² Taunuuga o le Ka Hikitia: Te Tangata, Te Whānau, Te Kanorautanga, Te Tuakiritanga, Te Rangatiratanga.

E L E F A A L A U A I T E L E I N A

- 15.2 E faigofie ma tele avanoa mo aiga Māori ma aiga Pasifika e maua ai le tele o lagolagosua ua saunia e faalapotopotoga ma o avanoa e faatumauina ai lo latou faasinomaga, gagana ma aganuu;
- 15.3 E mafai e tamaiti aoga na maua mataupu aoaoina e tau aofia uma ai ma e tutusa faiga e mafai ai ona auai, laasia ai isi suiga lelei ma faamanuaina ai taumafaiga i le olaga aoga e pei lava ona faia i isi.
- 16 E tele se galuega e fia faatino e toe sasaa ma toe teuteu ai le EGL i aoaoga ma le tele o nofoaga tau aoaoga. E iai lo'u talitonuga o le a galulue faatasi le Matagaluega ma Whaikaha ina ia malamalamā i le tulaga lea ma faaopoopo i luga atu o suiga e tatau ona faataunuū a o faagaso le atinaega ma le faatinoga o le faiga faavae.
- 17 E aofia i le faiga faavae lenei laasaga e fitu mo suiga o faamoemoe atu i ai:
 - 17.1 O se faiga faavae fou e faataunuūina auaunaga;
 - 17.2 Lagolagosua patino;
 - 17.3 O se sootaga tuufaatasia ma e tau aofia uma ai;
 - 17.4 Lagolagosua mo taumafaiga i aoga mo tamaiti aoga Māori ma tamaiti aoga Pasifika ma o latou aiga ma e saunia lava e tagata Māori ma tagata Pasifika;
 - 17.5 O se aufaigaluega e atagia ai le talitonuga mautinoa, agavaa ma gafatia na tali atu;
 - 17.6 O se faiga fou mo fesoasoani tupe e lagolagoina ai faiga e patino ma e mafai na fetuutuunai; ma le
 - 17.7 Atili malosi o fesootaiga ma isi faalapotopotoga.
- 18 E mauaa ma malosi faiga e tau atiae ai suiga i se vaitaimi lata mai faasolo atu i se vaitaimi umi ma e moomia le tapena mae'ae'a i ai, faatasi ma le faafaigaluega o atinae tetele ma le faatumauina. Na ou talosagaina le Matagaluega e saunia se Auivi o le Fuafuaga e faamaoti ai tulaga o le a faafaigaluegaina mo le faiga faavae fou. E iai le faamoemoe o le a tuuina atu i le Kapaneta ia luni 2023 le Auivi o le Fuafuaga ma polokalame o galuega faatino e lagolagoina le faatinoga o le faiga fou lenei. E avea le polokalame o galuega faatino ma faafanua mo suiga i le isi lua, lima ma le sefulu tausaga o sosoo ai.
- 19 E tāua lo tatou faaaoga o le tofa loloto na maua mai le lloiloga tatou te faia ai suiga i le taimi nei i vaega e mafai ai. [9(2)(f)(iv) REDACTED] E ui i lea, e le faapea o ni suiga tetele i tulaga o iai i le taimi nei po o le afua mai ai o ni aafiaga tetele.

E L E F A A L A U A I T E L E I N A

Ata 1: Te Tūāpapa

Te Tuapapa o He Pikorua

A foundation for inclusive learning communities for all mokopuna and their whānau.

